

24
35
PHÆNOMENON SINGVLARE,
DE
MALO POMIFERA
ABSQVE
FLORIBVS AD RATIO-
NES PHYSICAS RE-
VOCATVM,

IN DISSERTATIONE INAVGVRALI
QVAM

SVB PRÆSIDIO
VIRI CELEBERRIMI
CHRISTIANI WOLFFII,

CONS. AVLICI HASSIACI, MATH. ET PHIL. PROF. PRIM. NEC
NON PROFESS. HONOR. IN ACAD. SCIENT. PETROPOLITANA,
SOCIET. REG. BRITANNIÆ ET BORVSSICÆ SOD.

PRO SUMMIS IN PHILOSOPHIA HONORIBVS
RITE OBTINENDIS

AD DIEM VIII. MARTII PVBLICE DEFENDET

RESPONSVRVS AVCTOR

ADAMVS IXSTATT, Mogonus.

MARBVIRGI CATTORVM,
TYPIS PHILIPPI CASIMIRI MÜLLERI, ACAD. TYPOGR.

DE
PHEMOTON SINGULARI
DE
MALO POMITERY
ABOVE

FI ORIBVS AD RATIO
NES PHYSICAS RE
VOCATVM

IN DISSECTATIONE ANATOMICA
QVAM
SVB PRÆSIDIO
PARI CÆBERE
CHRISTIANI WOLFFII

CON. AULIC. HÆRÆG. MATH. ET PHYS. PÆR. LITH. MAG.
NON PÆR. HONOR. IN AUL. SCHOL. PÆR. HONOR. LITH.
SOCIET. REG. HÆRÆG. ET PHYS. LITH.
PRO SUMMIS IN PÆR. HONOR. LITH.
RITE QVANTVM
AD DIEM VII. MARTII PÆR. HONOR. LITH.
RESPONDENS LITH.
ADAMVS IXSTAT. T. Mogon.

MARCELO CATTORVM
THEOPHIL. CASIMIR. MILLER. AUL. LITH.

SERENISSIMO POTEN-
TISSIMOQUE

PRINCIPI AC DOMINO

CAROLO I.

HASSIÆ

LANDGRAVIO,

PRINCIPI HERSFELDIÆ,

COMITI CATTIMELIBO-

CI, DECIÆ, ZIEGENHAI-

NÆ, NIDDÆ, SCHAVM-

BURGI,

℥c. ℥c. ℥c.

PRINCIPI
PIO, FELICI, MAGNO
PATRI PATRIÆ
OPTIMO

BONARVM ARTIVM STATORI ET
NVTRITORI MVNIFICENTISSIMO

*PRINCIPI AC DOMINO
MEO CLEMENTISSIMO*

PRIMUM HVNC STVDIORVM FRVCTVM
SVBMISSE CONSECRAT

A. IXSTATT.



DISSERTATIO INAUGURALIS,
DE
PHOENOMENO SIN-
GULARI MALI POMIFERÆ
ABSQVE FLORIBVS.

CAPVT I.

Historia Phaenomeni.

§. I.



Ir Nobilissimus Paulus Dudle-^{Vbinam}
jus Armiger, in epistolâ ad ^{phenome-}
celeberrimum Jurinum, Re-^{non recen-}
giæ Societ. Londinensi à Se-^{scatur?}
cretis è nova Anglia datâ re-
fert, (a) in urbe, quam inha-
bitat, *malum* videri, quæ in-

gentem pomorum copiam præsertim altero quo-
vis anno ferat absque præviis floribus, ut in cæ-
teris arboribus fieri experientia docet.

§. II. Sæpius id relatum acceperat ab ^{Quomodo}
horti Domino; verum ne quid in re tam pa-^{phenome-}
rùm obviâ atque insolitâ ex præcipitantia statuere ^{non exami-}
A vide-^{narit Nobil.}
Observator

(a) Philosophical. Transact. pro Anno 1724. p. 199.

videretur, ipse oculis explorare phænomenon, quam verbis alterius fidem habere maluit. Lustrans igitur arborem, eo præsertim tempore, quo *ma-
li* flores suos protrudere assolent, hanc sine floribus deprehendit, cum cætera omnes ornatu hoc vernali superbirent. Iteravit examen hoc per dies plures dubitans ne forte tardius reliquis hujus arboris flores sese expanderent, hancque diligentiam eousque continuavit, dum poma sine prævio flore perfecte efforinata cerneret. Anno subsequente rursus eandem arborem, & quidem antequam cætera florere inciperent, examini suo subjecit, suspicatus ne reliquis citius ejus *gemmæ* in flores erumperent; sed in cassum, eandem enim quam anno præterlapso pomorum productionem esse deprehendit.

*Circum-
stantia par-
ticulares
phenomeni.*

§. III. Addit Nobilissimus Observator horti Dominum & ex ejus viciniâ plures asseruisse, notam sibi fuisse arborem à plus quam quadraginta annis, quo tempore nunquam floruisse illam *vidissent*. In uteris pomorum semina gracilia eaque paucissima deprehendit. Poma sapore ingrato fuisse ait. Cæterum à reliquis arboribus nihil eam differre existimat.

*An exacta
sit observa-
tio.*

§. IV. Tantum curæ ac diligentiae in contemplando phænomeno adhibuit *Nobilis-
simus Observator*, ut de ejus veritate dubitari nequaquam possit. & si certitudinem hanc solum spectes, exactam satis esse liquet, neque præter hanc certitudinem aliud Observatorem *inten-*

intendisse verisimile est: plura autem Philosophus non acquiescens in facti certitudine, sed ulterius in causas efficientes inquirens, in ea desiderare posse videtur.

Primo. Examinare debebat Observator, num *semina* arboris fuerint fecunda, quod facile detegere licuisset, si oculis explorasset, utrum *plantulae* in *nucleis* extiterint, nec ne.

Secundo. An *stemma* arboris sanum, an vero *medulla* aliquo modo corrupta fuerit: quod, nisi arborem eradicare voluisset, in ramo experiri licuisset. Apparebit ex iis, quæ dicturi sumus in sequentibus, ubi in causas phaenomeni inquiremus, *semina* arboris imperfecta fuisse, nec verisimile, si nucleos terræ commisisset, eos germi-
natos fuisse.

§. V. Ex observatione phaenomeni con- *Quid hic*
stat fructum incrementa cepisse ac maturuisse *queratur.*
sine prævio flore [§. I], hoc enim non aliud ex observatione constat. Porro cum de actu ad potentiam legitima sit conclusio, in dubium vocari nequit, posse sine floribus *pulpam pericarpium* seu *fructum* augeri. Hæc cognitio Philosopho non satisfacit (a); sed cum nihil fiat sine ratione sufficiente (b) causas phaenomenon determinantes scrutatur, ut distinctam possibilitatis ideam nanciscatur. Nostrum igitur erit in præsentī dissertatione monstrare, quomodo fieri

(a) Dn. Præses, Log. proleg. §. 6. (b) Ibid. §. 4.

ri possit, ut fructus sine prævio flore augeatur ac maturescat: quod antequam aggrediamur, observationes nonnullas & structuram florum fundamentorum loco præmittere lubet.

CAPUT II.

Fundamenta continet, ex quibus solutio Phænomeni deducitur.

Observatio I. §. VI. **O**bservavit Experientissimus Beal (a) *malum*, cujus *medulla* cum *substantia lignosa* pene omni ab apice ad usque radices putredine absumpta erat. In ea tabes per ramos, imo radices & furculos tenerrimos arboris diffundebatur, sic ut *medulla* furculorum cum parte *substantiæ lignæ* colore *suberis* imbuta ac putrefacta cerneretur; sed ea nihilominus ingenti pomorum copia, altero aut tertio quovis anno luxuriabat, quibus *nuclei* admodum tenues, & *substantia* pene destituti inerant.

Corollarium.

§. VII. Infero, quod ibidem ab acutissimo Observatore intimatur, nexum arctissimum intercedere inter *medullam* & partes *fructus* ab illo ortum trahentes. Illa corrupta, aut tabe infecta, hæc vel plane non prodeunt, aut imperfecte saltem formantur: id quod inferius clarius patebit.

Observatio II.

§. VIII. Cum perforasset idem diligentissimus

(a) Lowthorp. *Philosophical Transactions abridg.* S. II. c. V. §. 69.

tissimus Naturæ scrutator radices *Oxyacanthæ*, *baccas* sine *nucleis* illam protulisse expertus est. Sed probe observandum, perforationem illam sic fieri debere, ut per *medullam* transeat: quodsi enim hæc illæsa permaneat, nihil obstat, quo minus semina perfecta generentur.

§. IX. Confirmat hæc observatio id quod *Corollarium*.
Dn Præses (a) & acutissimus Thummigius demon-
strarunt, *semina* nimirum (b) *plantarum*
originem suam ducere ex *substantia medullari*
arboris aut plantæ.

§. X. Objici hic poterat, quod *medulla* *Objectio*
la putredine absumpta, *surculi* imo & *fructus* *cum respon-*
feminibus fecundis imprægnati nascantur, ut *sione*.
in *quercu*, *nuce* &c. liquet. Sed respon-
deo ex observatione §. 8. adductâ universaliter
ad omnes arbores, ubi *medulla* deest, concludi non
posse. Nam detexit Dn. Præses, (c) novam quot-
annis *medullam* aut si mavis *substantiam utricu-*
losam inter *substantiam lignosam* duorum añorum
nasci, ex qua dum *surculi* protruduntur sine du-
bio *medulla* illorum sana & intaminata esse po-
terit, ita ut fecundis dein seminibus nidum effor-
met. Quænam causæ particulares in observatio-
ne adductâ concurrerint, nostrum non est hic
inquirere. Quodsi casus speciales præsertim in
vegetationis opere evolvere intendas, omnes cir-

A 3 cum.

(a) Phys. p. 111. C. IV. §. 245. (b) Inexperimen-
to singulari de Arboribus &c. (c) Ph. P. 3. c. IV. §.
240. & seqq.

cumstantiæ probe considerandæ & expendendæ sunt.

*Quanam
partes Ar-
boris hic
potissimum
consideran-
dæ.*

§. XI. Demonstravit Dn. Præses (a) omnia in hoc universo tum ratione temporis, tum ratione spatii esse inter se connexa. Idem ergo de partibus arboris inferre licet; quod jam experientia evictum fuit [§. 6. 7. 8. & 9.] Et cum finis, quem natura in formatione *florum* intendit, sit productio seminum fœcundorum, quin partes floris ad finem hunc consequendum concurrant dubium non est. Vidimus porro *pulpam* seu *pericarpium pomi* absque partibus florum maturuisse & in debitam magnitudinem excrevisse [§. 1. 2. 3.]. Manifestum igitur est ad augmentum *pericarpii in pomo* partes floris nihil contulisse: quod qua ratione cum efformatione seminis cohæreat & ut eo evidentius concipi possit, an & cur partes floris deesse potuerint, *floris* origo ejusque partium usus nobis hic expendendus erit. Poterat hic labor superfluus iis videri, qui perlegerunt ea, quæ Malpighius in *Anatomia Plantarum* in Italia, Nehemias Grew in Anglia (b) & viri in naturæ secretis enodandis indefessi in Transactionibus, Commentariis Acad. Scient. & Actis Eruditorum; præsertim vero Dn. PRÆSES Phys. P. III. & in Experimentis non uno in loco exhibuerunt. Verum cum maximâ ex parte Autores illi universam œcono-

(a) Metaph. C. 4. §. 548. (b) Anatomie des plan-
tus traduite de l' Anglois.

œconomiam plantarum pertractaverint, & multa collegerint quæ ad præsens institutum non faciunt, præterea vero paucissimi libros illos possideant; non ingratum erit uno quasi obtutu modum intueri, quo absentia florum cum augmento *pericarpii* fructus consistere possit. Partes igitur *floris* præsertim *mali* exponendæ earumque usus evolvendus erit, exemplo acutissimi THYMMIGII, qui, ut rationes redderet experimenti singularis arborum ex foliis educatarum, veram foliorum structuram indagandam sibi sumfit. Multiplices flores, quibus arbores & plantæ verno tempore condecorantur, hic non spectamus, sed eos solum, quos phænomeni nostri explicationi inservire judicabimus. Qui pleniorrem vegetationis plantarum notitiam desiderat, is Autorum supra laudatorum scripta adeat.

§. XII. *Plantulæ*, quibus semina arborum imprægnantur, in medullâ ceu utero latent. *Unde Plantula in semine floris.*
(a) (b) Ex his aliæ in ipso *stemma* radices agunt & in *surculos* excresecunt; aliæ ovulis includuntur, quæ, ubi debitam perfectionem nactæ sunt, arbores non secus ac pulli ova ponunt, ut postmodum moderato calore incubata novas *plantas* germinent.

§. XIII. Duplex vero hoc modo finis ob-
tinetur à naturâ, I. ut arbor novis *surculis* quot-
annis protrusis in familiam quasi ingentem ex-
crescat, *Cur quadam plantulæ in stemmate excresecant; alia ovulo includantur.*

(a) DN. PRÆSES Phys. P. 3. (b) THYMMIG de Experimento singulari.

crescat, cujus membra stricto vinculo inter se nexa cohærent, tum ut ventorum impetui resistere, tum ut mutua ope aptum ad nutritionem succum præparent. Alter vero finis est, ut species illarum propagentur, & animalibus nutrimentum aliosque usus præstare possint.

*Floris origo
& finis.*

§. XIV. Porro ut nidus ille seu ovulum ad recipiendam *plantulam* aptum præparetur, cujus succo & vivere & nutrirî possit, *flores* adinvenit natura, cujus partes ipsæ *surculi fistulæ* & *medulla* efficiunt. *Cortex surculi calicem floris* tegit; *pulpa, florum folia* & *stamina* à *substantiâ lignosâ* oriuntur; è *medulla* demum *uteri* & *stylus* surgunt (a). Partes hæc earumque usum nunc seorsim lustrabimus.

De calice.

§. XV. *Calix*, qui tanquam basis aut fulcrum *floris folia* sustinet, à *cortice cauliculi* & *fistulis* externis oritur. In plantis, ubi flores fructibus insident, ab extrema *pericarpî substantiâ* ascendit, ut in *ponis* videre licet. In *cerasis* vero, *prunis* &c. immediate è *surculi exteriori substantia* prodit.

Usus calicis.

§. XVI. *Usus calicis* præcipuus esse videtur, ut *florum folia* firmiter illi adhæreant, nec levissimo quovis venti impetu loco moveantur. Succum, qui in *calice* excernitur, in *folia floris* derivari autumo. Nexus calicis & foliorum in *cerasis* &c. potissimum patet: flaccescente enim *calice* folia tabescunt florum & vicissim.

§. XVII.

(a) *Nehem. Grew Anatomie des plantes C. VI, p. 176,*

§. XVII. Quod si *surculum* in extrema ^{De foliis.} fui parte, ubi flos expanditur dextre feces, in ^{floris & co-}venies *folia florum* nihil esse nisi *fistulas succife-* ^{rundem ori-} *ras*, quæ in *ramusculos* sese dilatantes rete quod- ^{gine.} dam infinitis *utriculis* refertum componunt, quod pro diversitate succi in iis contenti varios colores induit, variosque odores spirat. In *po- mis*, *piris* &c. *fistulae*, quæ *medullæ* proximæ eaque numero 5, per *pericarpium* recta ascen- dunt ac uteros perrumpentes in summitate *peri- carpii* in folia sese explicant. In *cerasis* con- tra, *prunis*, *amygdalis* &c. *fistulae* floris folia con- stituentes à *substantiâ lignæâ exteriori* oriuntur, nec *Uterum* ut in *po- mis*, *piris*, &c. transeunt: quod probe tenendum.

§. XVIII. Partes *floris* ad fœcundatio- ^{Ufus foliō-} nem seminis concurrunt [§. 11.], ergo & *foliarum floris*, ^{floris.} *floris* ad perfectionem seminis aliquid conferunt. In foliis florum *succus oleosus* excernitur, ut ex chymia liquet: *Succum* illum in floribus diver- sis non esse eundem vel solo odore aut sapore discernere licet. Porro tubuli e florum foliis in substantiam seminis derivantur [§ 17.]. Ergo nulla adest ratio dubitandi, quin *succus oleosus* in *florum foliis* præparetur, qui dein in substan- tiam seminis derivetur, ut teneræ *plantulae* nu- trimento sit, præsertim cum ejusmodi olea è sub- stantia seminis exprimantur (b).

B §. XIX.

(b) Dn. Præses Phyl. P. 3^{ta} C. 7, §. 259. &c.

*De Stami-
nibus.*

§. XIX. *Stamina seu Tubuli*, qui inter *folia floris & stylum* excreſcunt, à *fistulis succife-
ris* oriuntur, quæ *folia floris* constituunt. Excre-
ſcunt igitur a substantia lignea furculi [§. 17].
Per cavitates illorum pulvisculus tenuis ad *cap-
itella* quibus coronantur, deferitur. Non una
est *staminum* figura aut color in floribus diver-
ſis; quod globulis, qui in eis ſeparantur, ac diver-
ſæ *fistularum* dispositioni adſcribendum.

De stylo.

§. XX. *Stylus* est pars floris, quæ medium
ipſius locum occupat, non è substantiâ lignæ
ut ceteræ floris partes, ſed ex *Medulla ipſa* origi-
nem trahit: quæ dum per *petiolum* in *pericarpium*
aſcendit in ipſius medio *uterus* efformat, in qui-
bus *ovula* ſoventur, inde in tubulum ſeſe coar-
ctans ſummitatem *pericarpii* perrumpit partem-
que floris, quam *stylum* vocamus, efformat.

*Uſus stami-
num & sty-
li.*

§. XXI. In ſuperioribus jam evictum
ſuit omnes floris partes ad ſecundationem ſe-
minis tendere, id ergo multo magis in *staminibus*
ac *stylo* obtinebit, ut quæ immediate vel median-
tibus *fistulis* cum ſeminibus connexæ ſunt. Quid-
nam ad ſecundationem ſeminis conferant, nec
dum ſatis liquet. Dn. Præſidi Phyſ. P. III. C. 7. §. 259.
& ſqq. probabile videtur, *stamina* pulvisculum
tenuem per cavitatem ſtyli in *ovulum* demittere
& ſemina imprægnare. Certe ſi ſimilitudinem
perpendamus, quæ inter generationem anima-
lium & plantarum intercedit, eandem ſimilitu-
dinem in membris generationi adaptatis adſtruere

non

non habebimus, sententiaque illorum accedemus, qui *stamina* pro membro virili, *stylum* vero pro *vagina uteri* habent, & sic *plantulae* in pulvisculo per *vaginam* in *uterum transmissae ovula* non secus ac animalcula in femine foecundarent. Sed cum necdum experientiâ indubitata constet, an non absque *staminibus* ac *stylo* foecunda semina generari possint, assensum nostrum suspendimus. Experimentum saltem Malpighii, quod avulsis *staminibus* & *stylo* semina debitam nata fuerint magnitudinem nihil probat quam quod semina crescere & augeri possint absque *staminibus* & *stylo*, utrum vero foecunda fuerint explorare potuisset, si examinasset an *plantulae* impragnatae fuerint.

§. XXII. *Pericarpium* seu *pulpa fructus* De *pericarpio* cum *uteris*, ac *seminibus* in iis conclusis *intercarpio*. partes floris vulgo non recensetur, quod flore flaccescente integra maneat. Nos equidem partes fructus obiter hic attingemus, ea tantum observaturi, sine quibus ratio phaenomeni reddi nequit. In *cerasis*, *prunis*, *malis punicis* &c. *Pericarpium* cum *uteris* intra florem nascitur, ut tenera *pulpae* substantia ab aeris injuria & frigoris intemperie defendatur (a), vel quod probabilius mihi videtur, quia *calyx*, *folia*, *stamina*, & *stylus* ejus magnitudinis, quâ in *cerasis*, *prunis* &c. cernuntur, *pericarpio* eorundem nimium tenero

(a) Grew Anatomie des plantes.

& exiguò insidere non potuissent salvo fructu : partes namque *floris* omnem succum, qui augmento *pericarpium* ac formationi *nuclei* inservire debuisset, absumsissent. In nonnullis arboribus E. g. malis, piris &c. flos in summitate *pericarpium* efformatur, quod firmum admodum sit earum *pericarpium*, quodque alias tot uteri, quot in fructibus hisce cernimus, præparari non potuissent.

Origo pericarpium.

§. XXIII. Oritur *pericarpium* ex substantia lignea surculi, cujus *fistula succifera* & *trachea* sese expandendo *pulpam* illam *utriculosam* constituunt, quod jam dudum observavit Malpighius & Grew, sed nemo hactenus, quod sciam observavit, quod in diversis arboribus a diversis *fistulis* & *tracheis* oriatur substantia illa *utriculosa*. In pomis, nucibus, piris &c. *pericarpium* à *fistulis succiferis* & *tracheis* exterioribus & cortici proximis oritur; in *cerasis*, *prunis* &c. idem ex *fistulis* & *tracheis* medullæ proximis nascitur, quod quidem aliter fieri non potuit si uteros & semina fovere debuit *pericarpium* illorum. Hanc differentiam esse magni momenti in *Anatomia* plantarum ex mox dicendis patebit.

C A P U T III.

Ex positis hætenus fundamentis ratio Phænomeni redditur.

§. XXIV. **E**X iis quæ hætenus de partibus floris præmissa fuerunt, manifestum est *florem* ad *pericarpium* augmentum nihil conducere; sed si nimium pingues & magnæ ipsius partes, impedire potius, ne debitam fructus magnitudinem nanciscatur (a) cum succum, qui in alimentum alias *pericarpio* cederet, absumant. Vidimus ulterius *pericarpium* aliam plane à partibus floris habere originem; per fistulas succiferas, quarum expansione oritur pulpa illa, succum in fructum derivari sine adjumento floris. Floribus igitur licet careat *malus*; *poma* nihilo minus ferre poterit. Verum cum flos ad seminis fecundationem potissimum faciat, ut absque eo semina fecunda non generentur, uti si ne ovulis nulla animalia generari constat, floribus autem *malus* nostra caruerit, inquirendum nunc est, quidnam formationem floris impedire potuerit, & an *pomorum semina fecunda* fuerint.

§. XXV. In confesso hodie est penes omnes Physicos, rudimenta singularum partium floris jam in gemma latere; antequam ea foras erumpat. Legatur *Mariottus* in Tentamine de vegetatione plantarum. Quoniam itaque in ea

B 3 su no-

(a) Malpighius Anatom. plantarum p. 56.

fu nostro flores nulli apparuerunt [§. i.]; rudimenta floris vel plane non extiterunt in gemmis prægnantibus, vel succus per *ssulas succiferas* ad folia florum tendentes deferri non potuit, ut rudimenta in maiorem molem explicarentur. Quodsi primum sumas, vel statuendum erit, ea in primis staminibus gemmarum in medulla adhuc latentium jam defuisse, vel putredine corrupta fuisse. Illud ordini naturæ in negotio generationis repugnare videtur, cum monstra, in quibus defectus partium quarundam notatur, ideo parte careant, quod casu quodam impedita fuerit ejus evolutio. Taceo, quod durum videatur in tot mille fructuum staminibus per tot annos admittere defectum naturæ tribuendum. Non urgemus hanc rationem, ne ad quæstionem nimis intricatam de primorum staminum ortu descendere teneamur. Quamcunque vero hic hypothesin amplectaris, nullam defectui rudimentorum foliorum favere deprehendes. Neque asseverare licet, foliorum rudimenta putredine fuisse consumpta. Experientia obstat, quo minus id defendamus: licet enim *Medulla stemmatis* substantia lignæ pene omni absumpta sit, in furculos tamen sanos gemmas excrecere, & fœcundos flores emittere cernimus: quamvis tabes stemmatis toti arbori sese communicarit, nullam tamen partem nec in furculis, nec in floribus atque fructu deesse comperimus. Non urgeo, quod miraculi instar ha-
 beri

beri debeat, quod putredo adeo constanter non-
nisi florum rudimentis insidias struxerit, ceteras
partes staminum omnes intactas reliquerit. In
explicandis autem naturæ phænomenis miracu-
la non sunt fingenda, præsertim ubi idem toties
fuit iteratum. Aliam igitur causam phænomeni
nostri assignare non licet, quam quod ascensus
succi in *fistulis succiferis*, quæ florem ingrediun-
tur, impeditus fuerit.

§. XXVI. Absconum foret statuere de *Quid a-*
fuisse fistulas succiferas, per quas foliis nutri-*scensum suc-*
mentum advehitur. Eadem hic valent rationes, *ci impedi-*
quæ contra defectum rudimentorum florum mi-*verit.*
litant [§. 25]. Nec dici potest, quod fistulæ il-
læ putredine fuerint consumptæ. Denuo hic va-
lent rationes eadem, quas in casu simili modo
allegavimus. Vitio igitur succus laboravit, quo
ineptus evasit, ut per *fistulas succiferas* ad rudi-
menta florum sursum pelli potuerit. Experien-
tia constat, liquorem crassum, e. g. *Argentum*
vivum per tubulum nimis gracilem non fluere:
quod si vero tubulus capillaris non nimis exi-
guus fuerit, majori celeritate ipsum per eundem
ruere, quam aquam aut liquorem alium rario-
rem. Porro *fistulas succiferas*, quibus flores su-
am debent originem, multo *tenuiores* esse iis,
quæ *substantiam pulposam* efficiunt, vel nudo
oculo discernere licet. Hæc igitur rite perpen-
dentes colligimus, succum in Malo nostrâ ni-
mis densum vel viscidum fuisse, ita ut, in *fistu-*
las

las succiferas medullæ proximæ intrusus hæserit factaque obstructione fistulæ fuerint tandem corruptæ, in fistulis exterioribus utpote amplioribus libere ascenderit & substantiam *utriculosam pericarpii* nutritiverit.

*Quid den-
sum nimis
succum ef-
fecerit?*

§. XXVII. Enimvero non ita facile est causam determinare, cur succus nutritius non conveniente modo fuerit digestus. Præstat igitur filere, quam non satis explorata in medium proferre, quæ eadem facilitate negantur, quæ affirmantur. Neque vero nobis vitio verti potest, quod causam hariolari nequeamus. Quis enim est, qui nesciat, veritatem latentem non detegi nisi ex aliis cognitis, quæ ad id sufficiunt, ut, quod latet, ex abyssu in apricum protrahi possit. Quoniam itaque Observator eam curam abjecit, qua data huic molimini sufficientia investigare debuisset; nec nos absque datis eruere valemus, quæ absque illis erui non possunt. Quæcunque autem fuerit succi male digesti causa; haudquaquam tamen mirum videri debet, quod per integros continuos 40 annos succus male fuerit digestus. Etenim cum nutrimentum, quod assumitur, non habeat in se digestionis omne principium, alias enim in omnibus vegetabilibus succus nutritius foret idem, quod experientiæ repugnat; quis non videt, primum in semine, deinde in succo nutritio præparato latere debere digestionis principia. Quamobrem si in succo primi anni desit, quo sine is debitam perfectionem

nem consequi nequit; defectu continuo permanente, nullo sane anno succus nutritius vitio carebit.

§. XXVIII. Vidimus ante [§. 27] in *fi. Cur nihil-*
stulis amplioribus succum vitiatum ascendere *minus peri-*
potuisse, atque adeo pericarpium nutritivum *carpi-*
Quoniam igitur fructus continua incrementa *creverit.*
capit ac in debitam magnitudinem excrescit, si
sufficiens succi nutritii copia ad pericarpium de-
fertur; absentia florum impedire non potuit,
quo minus mala creverint & maturuerint. Quo-
niam vero succus non fuit rite digestus, sed vi-
tium quodam, quodcunque illud tandem fuerit,
laboravit; sapor quoque pomorum rancidus
evasisit. Ac is ipse luculenter probat, vitium
succi nutritii a nobis [§. 7] non temere fuisse
confictum.

§. XXIX, *Uteri* cum substantia seminum *Quomodo*
ex ipsa *medulla* originem ducunt (a) & [§. 2 §. *semina in u-*
26] evictum fuit, *medullam* in furculis extitisse. *teris effor-*
Aderat igitur omne illud, quod ad formationem *maripote-*
hominum requirebatur. Quoniam tamen o-
mnis succus eodem vitio laboravit, cum o-
mnes fistulæ succiferæ ex communi receptaculo
succum nutritium recipiant, quæ eundem ad
partes nutriendas vehunt; eidem omnino causæ
tribuendum esse arbitramur, quod pauca ad-
modum *granula* eaque gracilia ad perfectionem
pervenerint.

C

§. XXX.

(a) *Grew Anatomie des plantes.*

*An semina
fuerint fœ-
cunda.*

§. XXX. Cum partes floris potissimum ad fœcundationem *seminis* concurrant, iis autem malus nostra caruerit; non probabile videtur, quod fœcunda fuerint. Et si tanquam vera admitatur hypothesis, qua defenditur *plantulam staminibus per stylum* in uteros transfundi; nullas hic in pomorum seminibus extitisse patet. Quod si rem examinasset Nobiliss. Observator, extra dubitationis aleam jam positum esset; an in substantia seminis plantula includatur, an vero per *stylum* illuc derivetur.

Pulpa cerasorum absque floribus crescere nequit.

§. XXXI. §§. 18. 22. 23. *pulpam* in *cerasis, prunis &c.* a substantia lignea *medullæ* contigua & *fistulis succiferis* tenuioribus; flores vero à *fistulis succiferis* exterioribus oriri monstravimus. Quod si ergo in *ceraso* succus corruptus supponatur, nihil obstabit, quo minus in *fistulis exterioribus* sursum feratur, qui in *fistulis medullæ* contiguis tenerioribus obstructionem causatur. Flores igitur absque pulpa, non vero pulpa sine floribus in *prunis, cerasis &c.* nasci queunt. Hoc equidem experientia confirmatur: videmus enim, præsertim in *cerasis, flores* quam plurimos pulpa & utero destitutos produci ob eorum copiam, quibus singulis nutriendis nec succus sufficit, dum intra gemmam rudimenta latent.

F I N I S.

COROL.

COROLLARIA.

- I. *Abque solida Politices cognitione ad Munia Reipublicæ ne quis adspiret.*

II.

In Republicâ obligatio naturalis non sufficit, ut actiones malæ evitentur, bonæ vero petrentur.

III.

Hinc leges civiles: quæ sic instituendæ ut, etiamsi subinde ab æquitate naturali recedere videantur, major tamen consensus cum fine principali Reipublicæ retineatur.

IV.

Lex Civilis actionem natura sua injustam justam reddere nequit.

V.

Diversi modi contribuendi ad sumptus Principi necessarios, melius, & majori cum emolumento Principis, cum Illustrissimo Comite de Vauban & Authore Libri La Richeffe des Princes & de leurs Etats sub unam generalem decimationem reducendi.

VI.

Architecturam Civilem & Militarem, imo & Mechanicam Politicus ignorare non debet.

VII.

Agriculturæ studium non postrema Politicæ pars est.

VIII.

Vera principia Agriculturæ à primis incubulis juventuti rusticæ inculcanda sunt: & methodus agricolis præscribenda, qua tum in observando, tum culturâ agrorum utantur.

CLARISSIMO DN. CANDIDATO

S. P. D.

PRÆSES.

ET si ea potissimum Tibi probentur studia, quæ præsentissimum in vita usum spondent; non tamen cetera negligis, quæ ad illa felicius tractanda animum præparant. Quantum in his profeceris, publico hoc specimine doces: quod cum a Te totum profectum sit, solus quoque defendere poteris. Principiis, quæ ex aliorum institutione & lectione hausisti, uteris ad ulteriora progressurus atque hoc ipso ingenium Tuum intelligentibus probas. Opus est, nostro præsertim seculo, Reip. perfecta doctrina, a qua longissime absunt, qui quæstus solius gratia nonnisi artes vendibiles sectantur. Sit Tibi, Doctissime Candidate, Numen porro propitium, ut solidam, qua animum imbuisi, doctrinam novis indies incrementis augeas & ad communem aliquando utilitatem transferas! Dabam Marburgi. Ipsis Calendis Martii anno MDCCXXVII.